

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Imm. 02 Siulittaasup nalunaarutaa

Aningaasaqarnermut tunngasut

Imm. 03 Powerbi

Paasissutissiissutit

Imm. 04 Sarfannguani majuartarfiit aqquuserngillu

Imm. 05 Takornarissanut illuarassaq

Imm. 06 Kateriffiup aqqutaa isertarfianut qanittoq

Imm. 07 Arctic Sport Sarfannguit aamma Itilleq qinnuteqaataat

Imm. 08 Paasissutissiineq / Ilisimatitsissutit

Imm. 09 Tamalaat.

Ataatsimiinneq aallartippoq nal. 10:00

Peqataasut:

Naleraq:

Erneeraq Jensen, Batseba Karlsen, Amalie Dahl

Siumut:

Pele Enoksen, Dorthe Olsen

Nalunaaruteqarlutik peqataanngitsut:

Nalunaaruteqaratik peqataanngitsut



Imm. 01 Oqaluuserisassat akuersissutigineri

Aalajangiineq

Akuersissutigineqarput.



Imm. 02 Siulittaasup nalunaarutaa

Oqaasiinnakkut nalunaaruteqarpoq, utoqqatsissutigivaalu nalunaarusiunnngitsoorsimagami. Sarfannugani aamma nunaqarfimmi aqutsisuni ilaasortaq Dorthe Olsen oqaasiinnakkut nalunaaruteqarpoq.

Aalajangiineq

Tusaatissatut tiguneqarput.

Imm. 03 Aningaasat killiffii / Powerbi

J.nr. 03.00.04

Nunaqarfimmi aqutsisut aningaasaataannut killiffik.

Innersuussut

Allaffeqarfiup innersuussutigivaa tusaatissatut tiguneqassasut.

Aalajangiineq

Tusaatissatut tiguneqarput.

Imm. 04 Sarfannguani majuartarfiit aqquserngillu

J.nr.

Oqaluuserisassanngortitsisoq Itillimi siulittaasup tullia Batseba Karlsen, oqaluuserisassaq siulittaasumit Erneeraq Jensen-imit oqaluuserisassatut akuersissutigineqarpoq.

Tunuliaqutaa:

Sarfannguani majuartarfiit taarsersornissaat aamma ukiukkut puinermik eqqugaasartut aqquserngit ajornanngippat majuartarfilersornissaat misissugassaqqimmat misissuisoqarnissaa kissaatiginarpoq.

Pissutsit atuuttut:

Misissuisoqareerpat suliariumannittussarsiuussinissaq oqaluuserillaquara

Innersuussut

Allaffeqarfiup innersuussutigaa oqaluuserineqassasoq misissuisoqassasorlu sarfannguani aqquserngit majuartarfilersornissaanut tunngatillugu.

Aalajangiineq

Puinernut tunngasoq Sarfannguani misissuiffigineqassasoq. Majuartarfinnut ikaartarfinnullu tunngatillugu akuersissutigineqareerput.

Imm. 05 Takornarissanut illuarassaq

J.nr.

Oqaluuserisassanngortitsisoq Itillimi siulittaasup tullia Batseba Karlsen, oqaluuserisassanngortitaq siulittaasumit Erneeraq Jensen-imit oqaluuserisassatut akuersissutigineqarpoq.

Tunuliaqutaa:

Turist-inut illuarassaq tikereernikoq ukiorli kingulleq attorneqanngimmat paasinialaajutaa.

Pissutsit atuuttut:

Illuarassannguaq katiteriaannaq takornariaqartillugu amigaataalluinnarmat aamma tunissutissarsiniarfissatut atorluarsinnaammat piaartumik ukioq manna atulernissaa nukinginarsimmat oqaluuserillaqqara.

Innersuussut

Allaffeqarfiup innersuussutigivaa Teknikkimut immikkoortortaqarfimmut paasiniarneqassasoq.

Aalajangiineq

Illuarassap titartagartaa stark-imut paasiniarneqassaaq, sanaartornissamullu qinnuteqaatip akissuteqarfigineqarnissaa utaqqineqassalluni sananeqarnissanut neqeroorusiortitsinissamut.

Imm. 06 Kateriffiup aqputaa isertarfianut qanittoq

J.nr.

Oqaluuserisassanngortitsisoq Itillimi siulittaasup tullia Batseba Karlsen, oqaluuserisassanngortitaq siulittaasumit Erneeraq Jensen-imit oqaluuserisassatut akuersissutigineqarpoq.

Pissutsit atuuttut:

Naluneqanngitsutut upernaakkut siallersimatillugulu qanoq ajortigisartoq ilisimavarput tamatta najugaqartuusugut.

Innersuussut

Allaffeqarfiup innersuussutigaa oqaluuserineqassasoq misissuisoqassasorlu.

Aalajangiineq

Aqqusinilerisut ittuat tusarniaavigineqassaaq suliassaq suliarsinnaaneraa suliassaq annertuallaarpat suliariumannittussarsiuunneqassaaq.

Imm. 07 Arcitc Sport Sarfannguut aamma Itilleq qinnuteqaataat
J.nr.

Oqaluuserisassanngortitsisut qinnuteqartut Arctic Sport Sarfannguut aamma Arctic Sport Itilleq.

Tunngavilersuut

Ukioq manna Nu 2026 (Nunatsinni unammersuarneq) Sisimiuni ingerlanneqartussanngorpoq nunatsinnilu Arctic Sport-imi peqatigiiffiit ca: 20 Inuit ca: 250 peqataaffigisassaannut aaqqissuisuussallutillu Qeqqata Kommuniani nunaqarfiit Arctic sport Sarfannguut Itilleq-lu. Arctic Sport Greenland oqaluttuarisaanerani aatsaavissuaq aaqqissuunneqassaaq nunaqarfinnit, aamalu aatsaavissuaq Sisimiuni unammersuarneq ingerlanneqassalluni aaqqissuunneqassallunilu.

Qinnuteqaat:

Peqatigiiffiit Arctic Sport Sarfannguut kiisalu Arctic Sport Itilleq allakkatigut qinnuteqarpugut aningaasanik tapiiffigineqarnissatsinnik, aningaasartuutit avittussaagatsigit ataatsimoortariaqaratta qinnuteqaammut.

Qinnuteqaammut tunngavilersuutit:

Aningaasat atorineqassapput nunatsinni peqatigiiffiit Arctic Sport-imi unammiartussat nerisaqarnerannut tassalu:

- Nerisaqarneq Brugsen-imi neqeroort inummut ataatsimut á 45,- inuit 250,- ullormut = **11.250,-** ullut arfinillit unamminerit aallartikkaangata aatsaat nerisaqarneq aallartinneqartarpoq ullormut 11.250,- x ullut 6= 67.500,- Brugsen neqeroorusiorpoq nerisaqarnermut katillugu **50.000,-**
- Sarfannguaniit Itillimiillu aaqqissuisussat umiatsiaqqamik attartornerat siumut utimullu siulersuisut katillugit inuit 12: umiatsiaq 1 á 5.000,- Sarfannguaniik sisimiunut uterlugulu 10.000,- kiisalu Itillimiik sisimiunut uterlugulu 10.000,- = **20.000,-**

Maannamuugallartoq naatsersuutit aningaasartuutissat aaqqissuisutut ingerlatsinissami tapiiffigineqarnissatsinnik qinnuteqarpugut tassalu: **70.000,-**

Aningaasartuutigiumaagatsinnut nerisaqarnermut tapersiissinnaagussi peqatigiiffitsinnut iluaqutaassaaq, qujanassaaqarlu, Sisimiuni timersuut Arctic Sport ingerlanneqalernissaa qularitissaanngilaq aaqqissuussaq annertoq sunniuteqakutsuussammat soqutigineqalernissaa.

Innersuussut

Allaffeqarfiup innersuussutigivaa oqaluuserineqassasoq aalajangiiffigineqassasorlu.

Aalajangiineq

Qinnuteqaat akuersissutigineqarpoq.

Imm. 08 Paasissutissiineq / Ilisimatitsissutit

- Allaffiup pisortaata nalunaarutaa qaammat December 2025 / Sarfannguit
- Allaffiup pisortaata nalunaarutaa qaammat December 2025 / Itilleq

Killiffiit

Oqaluuserisassanngortitsinermi allaffissaq

Ataatsimiiffissat ullulersornissaat

Nunaqarfimmi aqutsisunut eqqaasitsissuteqarneq

Aalajangiineq

Tusaatissatut tiguneqarput.

Imm. 09 Tamalaat

Nunaqarfimmi aqutsisuni ilaasortaniit paasiniaqquneqarpoq ataatsimiittarnerup nalunaaqutaa allanngortinneqarsinnaanersoq.

Amalie Dahl: Allaffimmiunut misissugassatut siunnersuutigivaa sunngiffimmi ornittakkami amigaatit misissugassannngortinneqarsinnaanersut.

Erneeraq Jensen:

Ukiortaarsioqatigiinneq Itillimi 31 Januar 2026 pissasoq aalajangiunneqarpoq.

Ukiumut aningaasaliunneqartartut pillugit nunaqqatigiit aggersarnejassapput ukiumut suut aningaasaliassatut pingaarnerussanersut.

Dorthe Olsen: Nunaqarfimmi aqutsisuni qinikkatut tunuarniuteqarsimavoq pisortaanerup sulisuinut pisortap suliassaq tigusimavaa.

Ataatsimiinneq naammassivoq nal. 12:47

